

11048

**REX PATER PATRIAE**

*Instar PELICANI liberos suos fovere debet.*



**AD  
CAROLVM**


**MAGNÆ BRITANNIÆ, FRANCIÆ, & HIBERN.**  
*REGEM, Divinæ veritatis propugnatorem,*


**ORATIO PANEGYRICA,**  
habita à **ZACHARIA BODIO** *Glasguensis*  
*Ecclesiæ Pastore, horâ secundâ pomeridi-*  
*ana in Regia porticu Cænobij sanctæ*  
*Crucis, 17 die Iunij 1633. pridie il-*  
*lius diei quo sacrum REGIS ca-*  
*put cinxit aureum SCOTIÆ*  
*DIADEMA.*

---

Regis ipsius jussu prælo commissa.  
**EDINBURGI,**  
Excudebat *Iohannes Wreittoun. 1633.*

# VICTORIA





# REX PATER PATRIAE

*Instar PELICANI liberos suos fovere debet.*



## AD CAROLVM

MAGNÆ BRITANNIÆ, FRANCIÆ, & HIBERN.  
*REGEM, Divinae veritatis propugnatorem,*

ORATIO PANEGYRICA,  
habita à ZACHARIA BODIO Glasguensis  
Ecclesiæ Pastore, horâ secundâ pomeridi-  
ana in Regia porticu Cænobiij sanctæ  
Crucis, 17 die Iunij 1633. pridie il-  
lius diei quo sacrum REGIS ca-  
put cinxit aureum SCOTIÆ  
DIADEMA.





DEO OPTIMO MAXIMO principium,  
*Potentissime* P R I N C E P S, cui sum-  
mas gratias agimus quod te nobis omniū  
E V R O P A E Regum præstantissimum præ-  
stiterit, & nunc tandem ad oras *Caledoni-*  
*as* terras tuas Natalitias post *multa lustra* incolumem  
reduxit.



Verum  
Regis  
Iacobi  
encomi-  
um.

V N C salve C A E S A R *Augustissime*; Sal-  
ve C A E S A R noster, Defensor fidei, *spiramentū*  
*narium nostrarum*, fulgidum orbis jubar, op-  
tatae pacis parma, Fili I A C O B I patris optimi, qui  
fuit noster Z O R O B A B E L in Templi sacri jamdiu col-  
lapsi restauratione; Iterum atque iterum salve BRI-  
TANNIÆ Sol.

Quamvis nos nil nisi *Cicindela* aut *Lampyrides*, nos  
nihilominus cum *lychno nostro pensili*, pro face pro fa-  
cula progredimur obviam, ut Te Solem *clarissimum*  
& *charissimum* salutemus: Omnes unâ voce Te C A-  
R O L V M *Augustissimum* salutamus.

Vt Sol coeli, sic Tu Briranniæ cor; Vt Sol coeli, sic  
Britanniæ lux, P H O E B V S *aureus & oriens*, qui acces-  
su tuo & vitali calore, inferiora hæc, quamvis maxime  
glacialia reficis & vegetas.

Omnes quotquot sumus, meritissimæ tuæ incolumi-  
tatis gaudio adeo perfusi sumus, ut non possimus no-  
stram lætitiā & *verbis & vultu* non testari.

Quam turpe, turpe in tali adventu talis R E G I S  
esse



## AD REGEM CAROLVM

εἴτε καὶ ἐπορεύεσθαι.

Vt dixit IACOBVS fratri cum ei obviam proce-  
deret, sic quisque nostrum tibi obuius Illustrissime  
Princeps dicere potest, *Aspexi faciem tuam, perinde*  
*ac si faciem DEI aspexissem.* Non vereor dum allo- Gen. 33.  
quor Regem meum uti verbis istius TEKOHÆÆ, 10.  
*Vt Angelus DEI ita est Dominus meus REX,* 2. Sam.  
vel fere iisdem verbis ex ore pergrati & bene morati 14 18.  
MEPHIBOSHETHI, *Dominus meus Rex est* 2 Sam.  
*sicut Angelus DEI.* 19. 28.

Lex & nata & lata ( *REX Serenissime* ) unum plu-  
ribus præesse; LEO generosissimus inter quadrupedes  
est præses; Immania CETE inter pisces; *AQUILA*  
*IOVIS* ales inter aves; *APES* in examine, non sine  
Domino; Citima terris *NOCTILVCA* inter minores  
ignes gubernat noctem; *SOL* regit diem; *TV* nos;  
*DEVS* te, Solem, Lunam, diem, noctem, & omnia.

O quam fausta quam festa est hæc lux! *PHOSPHO-*  
*RVS* nunc diem reddidit; Ecce *CÆSAR* adest.

O quam nobis est iucundum, *REX omnium præstan-*  
*tissime*, faciem tuam serenam intueri: Nos tui; terra  
hæc tua; hic *TV* satus; hic tu natus; hic in cunis vagiisti;  
hic tuæ illustrissima familiæ radix.

Fieri non potest ( *REX Potentissime* ) quin cum cun-  
ctis ducaris natalis soli dulcedine, quamvis vitam de-  
gas in terra *Angelica*: Creta, *Iovis* deliciæ: Samos  
*Iunonis*: Apollo *Claron*, Tenedon, & regna *Patarea*  
sprevit, ut inviseret suam *Delon*, in qua *Laïona* eum e-  
nixa est: prudens *Vlises* incultram, & scopulis asperam  
dilexit suam *Ithacem*: Quod Creta *Iovi*, quod Samos  
*Iunoni*, quod Delos *Apollini*, quod *Ithace* *Vlissi*, hoc  
tibi est prisca tua *SCOTIA* tui amantissima, cui primas

cu-

Oratio Panegyrica.

cunas & originem debes.

Ecce ut omnium ora, oculique in Te unum defixa:  
Ecce quot homines in hac Civitate congregantur, ut  
Apes in alveario conglobatae, ut tuo Regali conspectu  
fruantur: Tanta gaudij moles est in pectoribus omni-  
um, ut mirum quod non multi cum *Diagora* Rhodio prae-  
nimia laetitia animam efflarint: sed rursus tua fragrans  
praesentia instar *Rosae*, instar *pomi*, instar *Zibethi* nos  
amore aegrotos reficit atque refocillat.

O salve nunc *Sol purissime*, hic siste gradum, ut olim  
*Sol* in *Gibeone*, utinam hic longum sit *Solstitium*, sic  
plaga haec nubila, rigida, & frigida, tui beatissimi vul-  
tus radiis & *calefceret* & *claresceret*.

Vera en-  
comia  
Augusti-  
simi Re-  
gis CA-  
ROLI.

Sicuti pater *IACOBVS* foelicissimae memoriae  
Princeps ob summam prudentiam dici potuit *IACO-*  
*BVS Magnus*, & sicuti socer *HENRICVS* ob insoli-  
tam fortitudinem dictus fuit *Henricus Magnus*, sic tu il-  
lustrissime *CAROLE* ob utramque tum raram pru-  
dentiam tum veram fortitudinem sis *CAROLVS* bis  
cognomine Magnus, similis illi *CAROLO Magno*  
*Pipini* Francorum Regis filio, qui omnium, qui unquam  
fuerunt Principum in *Gallijs*, belli pacisque artibus  
longe clarissimus fuit.

Multa praetereo & ferme omnia praetereo, ne *CAE-*  
*SARIS Augustissimi* Regalia morer negotia.

De tuis virtutibus *REX* praestantissime, quid ego te-  
nuis? quid ego tenuis in re non tenui? In te omnium  
virtutum epitome, Iustitia, clementia, fortitudo, tempe-  
rantia: Vita tua innocens *REX Ornatissime*, aliis om-  
nibus est & *censura* & *cynosura*.

Sed, quod omnia superat, Tu *Veritatis Propugnator*,  
& Deum sincerè colis, & ut sic ab aliis colatur, curas:

Al.



## AD REGEM CAROLVM

Alma mater Ecclesia est tibi curæ: Tu instar Ciconiæ nutris Nutricem, Tu nunc ejus patrimonij *herciscundi* magnus arbiter: Tibi est in *mente*, & in *manu* hanc CHRISTI Sponsam è paupertatis ergastulo eruere, & ejus proventus liberaliter ampliare.

ET certe Benignissime Princeps, misera paupertas Nota. est huius Ecclesiæ scrofula, quam nulla præter tuam Regiam manum sanare potest: Cum bono DEO tange REX & sana: Tuus tactus unica est Panacea & Asa-  
rum efficacissimum quod huic inveterato Comitiali morbo remedium promittit.

Hic mor-  
bus, à  
Comiti-  
bus, non  
à Comi-

Prærerere Princeps Augustissime Tu dignus summis laudibus, quod nobis Glasguensibus præfeceris Antidictus. stitem vigilem, virum optimum, verum Ecclesiæ ornamentum, qui, ut Ecclesiæ bene esset, & multa tu-  
lit, & fecit, non sine magno proprii patrimonij dispen-  
dio: Quale specimen invictæ virtutis adversus avidos  
& sacrilegos Magnates, tum etiam Pontificiorum hosti-  
les manus hic edidit, id quamplurimis satis liquet: Sed  
de illo quid ego plura? Nam Dominus meus REX no-  
vit servum suum: Tibi REX Optime acceptum feri-  
mus quod ejus & pio & prudenti moderamine fruamur.

Veræ lau-  
des Pa-  
tricij Lin-  
desij Glas-  
guensis  
Archie-  
piscopi.

Sed quis omnia? VESPASIANVS dicere solitus, Imperatorem stantem mori oportere: Tua vita REX Ornatissime non in otio, sed in negotio transacta est: Non Te socors pluma juvat, non aleo, non ganeo, non Vina, non Venus illicita: non extremū frigus Te impedit, non æstus torrens te terret, ut nimis delicate lateas sub umbra IONAE KIKAIONIS quærens quietē refrigerantem, sed iugiter iuxta ipsos aīaīpas sic commoda Regnorum tuo-  
rum moliris, ut omnibus facile constare possit, Te non tam cupere præesse, quam prodesse.

Oratio Panegyrica.

O foelix *SCOTIA* tui amantissima terra tua natalitia  
tuis incunabulis nobilitata.

O *ANGLI Angelici*, quod te presente fruantur.  
Sed in hoc magis *Angelici*, quod te sincerè diligant,  
& sic Te diligantur. O beata *BRITANNIA*, quæ  
paternis & tuis auspicijs à multis cladibus liberata, hi-  
lari nunc animo cantare potest;

*Hallelueth Adonai chol Britannia Goijm: Scavehu-  
hu chol SCOTIAE haummim: chi gavar gnalenou chaf-  
do, veemeth Adonai legnolam Halleluiab.*

Sed cum *REX* eximie, non opis sit nostræ cuncta re-  
ferre, aut pro merito tuas inclytas laudes *propalare*, ego  
*TIMANTHEM* imitabor, quod non possū exprimere  
verbis; id velo silentij opertum relinquam.

Interim, quod unicum tenuitati meæ præstabile offi-  
cium superest, *Illustrissime* Princeps *DEO Optimo  
Maximo* obnixè supplico, ut has tuas Coronas tandem  
multis annis exactis, coronet *immarcessibili corona*, cu-  
ius gloria non flaccescens durabit in æternum.

*IEHI HAMELECH CAROLVS.*

*IEHI HAMELECH CAROLVS.*


Vivat *REX CAROLVS Britannia spes & spiramen*,  
sitque eius anima ligata in fasciculo viventium.

Dixi.

Sed quoniam vacuos *Numini* sistere se nefas; nunc  
*REX Illustrissime*, accipe animo amœno & benevolo  
hæc paupertini ingenij mei, sed ditissimi amoris pigno-  
ra, *BELLVM, BALSAMVM*, & carmina hæc *Tramo-  
serica*, quæ Tuæ sacræ Majestati, do, dicoque.

*Molâ salsa litant, qui non habet thura.*





A D  
CAROLVM  
MAGNÆ BRITANNIÆ

FRANCIÆ, & HIBERNIÆ Regem  
temporis serie secundum, sed nomine & vir-  
tute primum, Defensorem Fidei, &c.

**D**omitiane ferox, tuleras dum immania sceptrā,  
 Ἐσαι πάντα καλῶς dicere tunc poterant:  
 At postquam solium conscendit *Carolus*, omnes  
 Ἐσαι πάντα καλῶς dicere nunc poterunt.  
 Ἐσαι πάντα καλῶς miserum solamen, at omni  
 Ἐσαι πάντα καλῶς tempore læta parit.

ALIVD.

**Q**vondam *Tarpeio* crocicans in culmine *cornix*,  
 Est bene non potuit dicere, dixit erit.  
 At si nunc *cornix* crocicans in culmine nostro,  
 Est bene nunc posset dicere, semper erit.

ALIVD.

**I**LLVSTRI virtute cluens fate sanguine Regum  
 Non *Venus* aut *vinum*, non *fraus* tua limina tangit:  
 Cæforum innocuo non sunt tua sparsa cruore



Pecto-

( )

Pectora; regalis non est tua lingua venenis  
Illita: Tu miseris rebus Solamen in arctis;  
Tu *pater es patriæ*, mens est tibi conscia recti;  
*Relligionis honos* perstas, *Altaria* curas  
Sacra; Pijs clypeus, clara inter lumina Regum  
Tu virtute micas; Tu Relligionis amator;  
Sacrorum columen rarâ pietate patrissas:  
Tete Ecclesia persentit charum alma PELARGVM,  
Nutris nutricem; spoliis *spoliaria*; reddis  
Quæ indignante DEO multos rapuere per annos  
*Sacrilegi Domini*, miseris qui alimenta negarunt  
LEVITIS, qui TUMMIM atq; VRIM in pectore portant:  
Hæc te *sacra Tribus* spectans *altorem & alumnum*  
Agnoscit: pro te divina altaria LEVI  
Fumabunt: vivit; vivet tua fama superstes  
Dum *cælum* atq; *solum* in prima statione manebunt:  
Tu curis columen pressis; tu munere largus  
Sollicitas animas reficis, tu pectora fulcis  
Fessa malis; *Clemens* læsis tu Balsama præbes:  
Pro justis inq; injustos præcingeris ense  
Iusto; tu justus, sed te CLEMENTIA Dia  
Præcipue oblectat: CLEMENS tu CAROLVS omni  
Tempore diceris; magnoq; hoc nomine cunctis  
CAROLVS es charus: quis non suspiret ademptum  
Tam charum? validus longæva in tempora vivas.  
Perge vt coepisti, vireat tua gloria semper;  
Posteritas dicat, *Rex hic supereminet omnes*:  
Et faustum & foelix te nunc *diadema coronet*.

ALIVD.

ASPECTV viduata tui tua SCOTIA vultus  
Proh dolor hos multos jacuit confecta per annos,

O



( )  
 O tandem si quaq; semel *trieteride* priscam  
 Hanc gentem invisas; O si tua SCOTIA pulchris  
 Fulgeret campis, rivis, fordescat vt vltro  
 ANGLIA blanditijs quæ gaudia nostra moratur:  
 O ANGLI Angelici qui te præsentē fruuntur.

## ALIVD.

ILLVSTRIS nunc sol ortus CALDONIS in oris  
 Pro tenebris *lucem*, pro *luctu* gaudia SCOTIS  
 Intulit: Exultans te nunc ipsa vltima THULE  
 Gratatur reducem, palmasq; ad sidera tendit  
 Effunditq; preces vt longa in secula regnes.

## ALIVD.

SCOTIA non *luget*, *lucet*, quia fulget in oris  
*Sol purus*: nunc clara dies nunc noctis opacæ  
 Tristitia est exul: CALDON tua lumina splendent  
 Insolitis radijs, qui nunc tua limina tangunt:  
 SCOTIGENÆ gaudete: en *Phosphorus* attulit almu m  
 Lumen: nunc præsens non gaudia nostra moratur  
 CÆSAR, præclaro qui lumine limina nostra  
 Lustravit: nunc æternum salve optime Princeps  
 Corpore præstanti, Princeps quem fama perennis  
 Pennata evexit per summa cacumina rerum:  
 Sis clarus, charus: quò duxerit entheus ardor  
 Perge, nec illustrem minuat præsentia famam:  
 Sis foelix coelo *Phæbus* dimissus ab alto:  
 Hæc tibi conveniant & in una sede morentur  
 Majestas & amor: placido nunc respice vultu  
*Scotigenas*, junctim qui clamant voce sonora,  
 Adsis Rex, intresq; sinus charissime nostros.

( )

## ALIVD.

**N**VNC tandem terras post pluima lustra revisis  
 Natales; natale solum dulcedine ducit  
 Mortales. Dulcis tibi patria SCOTIA, dulce  
 Tu patriæ sis mel, longe nunc quicquid amarum est  
 Exulet, exultent omnes celebrare choreis  
 Adventum Regis, quo non præstantior alter:  
 Vt Sol exortus præclaris fidera cuncta  
 Offuscat radijs, sic tu dignissime Princeps,  
 Clarus & illustris velut inter *Luna* minores  
 Effulges ignes: nunc est erepta tenebris  
 Irradiata, tui sic SCOTIA lumine vultus.

Eia age rumpe moras, fragrantem SCOTIA flores  
 Spargito: nunc albis redimito tempora vittis:  
 Expectata dies venit, pars optima lucis  
 Affulsit nobis: jubar aureus extulit omne  
*Phæbus*, curarum cessat nox maxima nutrix:  
 Nunc lux, nox non nox, nam cœlum & sidera splendens  
 Insolita luce, vt venienti gaudia charo  
 Testentur CARLO: rident & flumina campis  
 Exultant colles, valles, maria omnia circum,  
 Et fontes, flores, vernantia prataq; clamant  
 CAROLE nunc regni spes & spiramen adesto.

## ALIVD.

**T**V REX ipse tui magnus te nosq; gubernas:  
 Te certum est numen constituisse ducem.  
 Te colimus: faustum tibi primus & vltimus ordo  
 Gratatur reditum CAROLE Magne tuum.


Tristi-



( )  
Trititiæ epotas nubes clarissime *Phæbe*,  
Te veniente solet candidus ire dies.  
Te sacræ geminæ *Astræa* & *Clementia* ditant;  
Tugemihis portus tutus & auxilium.  
Est pietas merces, non vana encomia curas,  
Non laudes, nec te vitrea fama capit.  
Pergito, vt æternum decursa novissima meta  
Imponat capiti sic *Diadema* tuo.



IN REBUS SECVNDIS  
*pium & utile meditamentum.*

PTIMO DEO nostro summas gratias agimus,  
quod Te nunc tandem Princeps *Augustissime*,  
SCOTORVM Regem coronatum cernamus,  
quem non ita pridem coronandum salutavimus.

Sed REX *Religiosissime* hoc tuæ Regali infixum  
menti maneat: Omnis huius mundi pompa volubilis  
est instar cylindri, imo instar *nivis* fluxa & evanida est.  
*Liquitur ut glacies incerto saucia Sole.*

Et si licet altiore voce Tecum loqui: humana cun-  
cta, fumus, umbra, vanitas: immo quod magis, vanitatis  
abstractum, *vanitas vanitatis*. Nihil hic orbis quod  
perennet, possidet. Transiens, REX *potentissime*, est  
omnis *gloria huius seculi*, sed in æternum non transibit  
*gloria cæli*, quæ *æterna* ab æterno in *æternum* in *Ente*  
*entium* fixa, stabilis per manet, nescia temporis præte-  
riti aut futuri.

Nunc

## AD REGEM CAROLVM

Nunc tandem REX *benignissime*, post tam illustres  
ferias exactas, post tot *Tympana* resonantia, post tot *Tu-*  
*barum* bombos, & clangores, post tot *Tormenta* fu-  
mos, flammis, globos ferreos & plumbeos eruſtan-  
tia, audi *Iſh haelochim* pulſantem Regiam tuam januam  
& ſonorâ voce clamantem; Sed quid clamat?

*Vocavi vos Deos,*  
*Sed ſicut homines moriemini.*  
Ecce glosſam interpretem.

*Vana ſalus hominis, vanus decor, omnia vana:*

*Inter vana, nihil vanius eſt homine.*

*Cum magis arridet præſentis gloria vitæ,*

*Præterit, immo fugit: non fugit, immo perit.*

Sed quod ad te attinet, *Optatiſſime* Princeps, teſtor  
DEVM, quod ſine aſſentatione loquar: ego ita tui Rega-  
lis vultus deſiderio *captus & raptus* ſum, ut vix ſine la-  
chrymis hanc tuam *faciem Angelicam* deſerere que-  
am, quam ego nunc ad noſtra rediens fortassis in hâc  
vitâ non amplius viſurus ſum.

Certe REX *Sereniſſime*, cum viderem ſapientiam &  
ſinceram præcipuè *pietatem*, cibum etiam menſæ tuæ  
& conſeſſum ſervorum tuorum & ſtatum Miniſtrorum  
tuorum, & veſtitum eorum, ſimiliter a poculis tuis,  
non poteram non dicere, *Verum eſt verbum quod au-*  
*diſſe TE, & de rebus tuis, & de ſapientia tua: tamen*  
*non credidi verbis illis uſq; dum venirem, & viderent*  
*oculi mei: ſed ecce non indicatum fuerat mihi ejus dimi-*  
*dium. Superas ſapientia & bonitate famam illam, quam*  
*audiveram.*

O quam beati homines tui: beati ſervi tui iſti qui  
ſtantes coram te iugiter, audiunt ſapientiam tuam.

*Dixi.*

*IE.*



~~Oratio Panegyrica~~  
IEHI HAMELECH CAROLVS.  
IEHI HAMELECH CAROLVS.  
Vivat REX CAROLVS  
& diu & bene.



### MONITA SALVBERRIMA.

**C**AROLE dum roseis resplendet roscidabigis  
Aurora, acceleres sacratum insistere limen:  
Flecte genu supplex: terrenas exue mentes,  
Indue caelestem: curas quas corde premebas  
Excute de gremio, & Divina in pectora volve:  
Obnixis precibus facile est cælum omne ciere:  
Esto animo forti, in dubijs spem fronte serena.  
Ne præceps pereas, sed Te ad meliora reserves,  
Vive memor lethi: nihil hic sub fornice fixum  
Cælesti: increpitat cunctos mors hostis amara:  
Pulverulenta jacent Magnorum corpora REGVM:  
NOX ruit: in terris non Tu regnabis in ævum:  
Regnarunt alij, regnas, regnabit & alter.

Ne facias pridie,  
Quod pigeat postridie.

ZACHARIAS BODIVS: